



2DA SESSIONE ORDINARIA PÈ U 2016

RIUNIONE DI I 24 È 25 DI NUVEMBRE

N° 2016/O2/065

**DUMANDA ORALE SPOSTA DA Mma Josette RISTERUCCI
À nome di u gruppu « COMMUNISTES ET CITOYENS DU FRONT
DE GAUCHE »**

OGETTU : Realizzazione di u prugettu regionale di salute in ballu.

Sgiò Presidente,

Cum'è vo a sapete, a nostra Asemblea avia vutatu u Prugettu Regionale di Salute chì ghjè in ballu, hè stata quessa pussibile per via di a tenuta di parechje riunione di cuncertazione cun l'eletti in cummissione.

Stu Prugettu Regionale di Salute hà cunfermatu cartulari impurtanti ma ùn riveneremu micca quì nantu à l'integralità di issi cartulari.

Vuleria quantunque ch'è vo fessite casu particularmente à un cartulare impurtante chì hè statu sviatu è chì ùn risponde à i bisogni chè no aviamu pensatu necessariii pè e persone cuncernate è particularmente quelle di u rurale.

Cum'è vo a sapete, per via di una mubilisazione tramandata da a stampa, un serviziu di reeducazione funziunale di presa in carica di i pazienti di cardiologia hà da apre in Bastia.

Ùn possu accettà ch'è no siamu sempre in daretu in st'offerta di cura è soprattuttu chì e decisione pigliate da cummissione cunsultative varie sianu sviate, è quessa cun l'accordu di l'ARS è di l'attori principali di u Centru Ospidalièru di Bastia, di u quale ùn facciu parte.

Durente dui anni, ùn aghju smessu di prevene tutti i decidori senza esse mai intesa. À la fine, oghjehjornu hè decisu chì, solu i pazienti chì venenu da u grande Bastia averanu accessu à sta presa in carica specializzata aspettata da tutti.

M'anu rispostu chì l'altri cuntinueranu à parte in cuntinente... Cun ciò ch'ella inghjenna pè i malati è e famiglie, à livellu psicologicu è finenziariu, quandu ùn duvia esse cusì.

A ramentu una volta dinù, u cartulare vutatu in u 2013 prevedia l'ospidalizzazione cumpleta è ambulatoria pè e specialità cardiologiche è pneumologiche chì ùn esiste oghjoghjornu.

Pudemu cuntinuà à accettà sta situazione, mentre l'orientazione sò accunsentite in u PRS ?

Vi risponderaghju chì l'autorizzazione d'attiva hè ghjuvatoghja finu à u 2018, cunniscendu a situazione finenziaria di u stabilimentu, diceremu puru ch'ellu si pò sempre sunnià...

Ùn criticheghju micca l'avanzata ottenuta, ma vogliu dinuncià a mancanza di rispunsabilità di quelli chì anu decisu altrimenti, lascendu da cantu i pazienti di u rurale.

St 'esempiu mi porta à dì, una volta di più, chì a quistione di primura di i mezi finenziarii hè più ch'è mai d'attualità, chì quella di l'equità regionale ind'è l'accessu à a salute dinù, chì e decisione pigliate in e varie istanze devenu esse rispettate à nome di una suposta demucrazia sanitaria ch'è no difendimu tutti.

Vogliu sperà chì a costruzione di u prussimu PRS è a so realizazione ùn seguitaranu u listessu chjassu ch'è stu cartulare di gran primura.

Vi ringraziu pè u vostru parè.